

讀史方輿紀要卷二十一

宛溪顧氏原本

崑山顧祖禹景范輯著
南昌彭元瑞共楮校定

錦里龍萬育燮堂校刊

江南三

補注

鳳陽府

東至淮安府四百里東南至滁州二百二十里
西南至廬州府二百七十里西至河南陳州七

百二十里北至徐州四百八十里西北至河南歸德
府五百二十里自府治至江寧府三百三十里至京

師二
千里

禹貢揚州之域古爲塗山氏國春秋時爲鍾離子國

戰國屬楚秦屬九江郡漢初爲淮南國武帝時復屬

九江郡後漢因之晉初屬淮南郡成帝時置鍾離郡

九約云安
帝時置

劉宋明帝時僞置徐州於此泰始末改屬

南兖州元徽時復置徐州亦爲重鎮蕭齊爲北徐州
梁因之東魏改置楚州後齊亦曰西楚州隋改曰豪
州大業初復爲鍾離郡唐復曰豪州天寶初亦曰鍾
離郡乾元初又爲豪州新唐志濠字初作豪元和三年始改從濠南唐保
大初置定遠軍宋仍曰濠州亦爲鍾離郡元至元十三年

置濠州安撫司十五年改爲臨濠府二十八年復爲

濠州屬安豐路明初爲興基之地吳元年改臨濠府

洪武五年改中立府定爲中都七年改爲鳳陽府自

城移治中都城中直隸京師正統後隸南京領州五縣十三

今仍曰鳳陽府

府西連汝潁東通楚泗爲建業之肩背中原之腰膂

春秋時吳人觀兵於淮上遂能爭長中原及越滅吳

而不能正江淮地楚東侵諸侯地至泗上史記越世家勾踐已

去渡淮南以淮上地與楚蓋楚之後亡繇於有淮泗也自秦以後

東南多故起於淮泗間者往往爲天下雄南北朝時

鍾離常爲重鎮豈非以據淮之中形勢便利阻水帶

山戰守有資乎自陳人失淮南而江邊卑小遂無以

抗中原宋紹興六年劉豫寇淮西朝議欲棄淮保江

張浚曰淮南諸屯所以屏蔽大江使賊得淮南因糧

就運以爲家計則長江之險與敵共有江南未可保

也又曰淮東宜於盱眙屯駐以扼清河上流淮西宜於濠壽屯駐以扼渦潁運道真氏曰有濠梁之遮蔽則敵不得走歷陽後魏邢巒曰鍾離天險蓋以控扼淮濱防守要重也又長淮南北土廣田良從來有事江淮者耕屯其并兼之本歟

今府城卽洪武五年所立中都城也內爲皇城凡四門正南曰午門外爲都城周五十里四百步凡九門南面三門正南曰洪武南之左曰南左甲第右曰前右甲第北面二門東曰北左甲第西曰後右甲第東面三門正東曰獨山以面獨山而各東之北曰長春南曰朝

陽西面一門曰塗山其城僅有土牆而無濠塹今因

城修築置府

治於其中

鳳陽縣

附郭本鍾離縣地明初為臨淮縣地洪武七年析臨淮之太平清樂廣德永豐四鄉置縣以在

鳳凰山

之陽因各十一年又割虹

縣南

入都益之編戶三十六里

梁城

府西南九十里亦曰南梁城晉太元中僞立南梁郡於淮南兼領僞縣義熙中土斷始有淮南

故地屬南豫州宋大明六年屬西豫州改為淮南

郡入年復故志云南梁郡治睢陽益宋析壽春地

僑置即此城也水經注淮水經壽春城北又東經

梁城是矣齊永元二年南梁郡入魏因別置梁郡

治北譙胡氏曰梁城在鍾離西南壽陽東北梁天

監五年徐州刺史昌義之魏將陳伯之戰於梁城

敗績伯之尋自梁城來歸義之因進克梁城既而

魏將邢巒與元英合攻鍾離義之引退六年元英

攻鍾離不克單騎遁入梁城緣淮百餘里尸相枕

史方輿卷二十一江南三石詔昌義之

要

荆山堰城

等沂淮赴救魏其守下蔡斷淮流義之屯梁城不
得進後魏仍置南梁郡隋開皇初廢今淮河中有
梁城灘東至洛河口二十五里○西古城在府
治東十八里臨進之西蓋南北相爭時軍壘也
陽足引北方童謠曰荆山為上格淨山為下格潼
泡為激溝并灌鉅野澤梁主從之議者謂淮內沙
土漂輕不堅實功不可就不聽遂發徐揚民二十
萬衆築之合太子右衛率康綸董其役於鍾離南
起浮山北抵曉石依岸築土合脊於中流至十四
年四月堰將合淮水漂疾輒復決潰或謂江淮多
有蛟龍能乘風雨決壞崖岸其性惡鐵因引東西
二冶故鐵器大則釜鬲小則鑊鋤數千萬觔沉於
堰所猶不能令乃伐樹為井幹填以巨石加十其
上緣淮百里內岡陵木石無巨細必盡負擔者肩
背盡穿夏日疾疫死者相枕蠅蟲晝夜合魏遣將
蕭寶寅決淮堰不克是冬寒甚淮泗盡凍死亡者
十七八十五年四月堰乃成其長九里下闊百四
十丈上廣四十五丈高二丈深十九丈五尺夾

要

之以隄並植杞柳軍人安堵列居其上其水清激
俯視居人廬墓子然皆在其下或謂絢曰四瀆天
所以節宣其氣不可久塞若鑿焚東注則游波寬
緩堰得不壞絢從之是時水之所及夾淮方數百
里魏壽陽城戍移屯於八公山南北居人散就岡
隴至秋九月淮水暴漲襄悉壞決其聲如雷聞三
百里綠淮城戍村落十餘萬口皆奔流入海尋復
營之普通七年淮堰水盛壽陽城幾沒乃遣夏侯
亶等攻拔之此蓋其舊址也時

築城以守堰北對荆山因名

萬歲山

在阜城北城垣經其上東西有二峯對峙東

馬鞍山

皆相連接又鳳凰山在府治北府之西山

也府城東又有獨山觀星臺在其上

府西二十里相接如欄干然又曹山在府

西北三十里相傳曹操嘗屯兵於此因名

烏雲山

與定遠縣接界又陡山在府西南六十里以

山勢峻

險而名

濠塘山

府東南七十里濠水東源發於此一名鍾乳山以山穴中出鍾乳也又鑛錫山府南八十里相

傳昔人鑄劍處濠水西源出於此○雲母山府西南

三十里出雲母府西南五十里又有石膏山出石膏

淮水

府北十里自壽州流經此東北入泗州界詳見天川及川漬異同

濠水

在府南十里有二源東源出濠塘山西源出鑛錫山流至舊府城西南五十里昇高山而合又

東北流至城東十五里有石絕水謂之濠梁亦曰石梁河今之九虹橋也橋有九梁故名又經臨淮

城東至新河口而入淮謂之濠口

明月河

在舊城東南北流匯於淮河又李家灣在府南宋紹興六年楊沂中敗劉玘於藕塘玘北

走張浚自盱眙趨濠州與玘戰於李家灣玘大敗宵遁

皇陵

在府西南十二里內為皇城周七十餘步中為磚城周六里八十一步外為土城周二十八里

明皇陵衛置於此

長淮關

在府西北二十里地名

王市驛

府東北七十里濠梁驛在舊城北關外○又

臨淮縣

府東北二十里秦鍾離縣漢因之屬九江郡晉

此明洪武三年改置中立縣尋改今

鍾離城

在縣東四里古鍾離子國左傳成十五年叔

也昭四年楚師於鍾離二十四年鍾離以備吳二十三年

吳敗楚師於鍾離二十四年鍾離史記楚世家平王

時吳之邊邑卑梁女與楚邊邑鍾離小僮爭桑

兩家交怒相攻遂滅卑梁人卑梁大夫怒發邑兵

攻鍾離楚王聞之怒發國兵滅卑梁吳王大怒亦

發兵使公子光攻楚遂拔鍾離居巢楚恐而城郢

讀史

方輿

卷二十一

江南三

五

攷文

成帝時置郡於此宋因之秦始三年淮北陷徐州
移鎮鍾離齊時亦為徐州治建元二年魏人來侵
遣將軍賀羅分道出鍾離建武二年魏拓跋珪攻
鍾離徐州刺史蕭惠休拒破之既而魏主循淮而
東至鍾離詔崔慧景等赴救魏不能克梁天監五
年蕭宏伐魏白洛口敗退魏人乘勝取馬頭城詔
修鍾離城為戰守之備既而魏將元英等進圍鍾
離邢巒謂鍾離大險必無克狀魏至不聽梁遣曹
景宗督軍二十萬赴救魏人敗走太清三年北徐
州刺史蕭正表以鍾離降魏高齊時改置楚州治
焉隋開皇三年廢鍾離郡改楚州曰豪州大業初
復改為鍾離郡唐置濠州鍾離縣治於城外五代
時淮南南唐有共地周顯德四年攻拔之仍為濠
州治宋元因之明初增置鳳陽縣而鍾離改曰臨
淮杜佑曰鍾離舊城在今縣東四里是唐時縣移
今治也寰宇記隋置鍾離郡於此土人呼為魯城
今府城西南十五里有東魯山又西南三里有西
魯山城或因山以名嶽又舊府城在縣西南二里
故濠州城也自唐以來濠州皆治此後周顯德四
年周主至鎮淮軍渡淮至濠州城西既而李重進

破濠州南城周至白攻濠州別將王審琦又拔其
水寨復破其水軍於城北拔其羊馬城尋克之志
云舊府城一名三牛城以郡治有三石牛也郡介
濠淮間多水災牛土畜故以厭之一統志城在今

府城東二十里又東
去鍾離故城六里

小東城

在縣東北秦始皇二年築此以鎮濠口通釋

或曰卽鍾離故城也漢南燕縣屬東郡江左僑置
於此爲鍾離郡治宋齊因之後魏爲鍾離陳畱二

郡治高

齊廢

樂平城

在縣東南本漢縣屬東郡江左僑置於鍾離
郡界宋秦始二年薛安都從子索兒自石梁

潰走樂平卽此石梁見六合縣○公路城在縣
東袁術據淮南時所築又盱眙縣境亦有此城

梅城山

縣東四十里以山巖如城而名又東十里有
石門山○小橫山在縣南五十里以山勢橫

亘而名又青山在縣西南五十
里有青山澗北流人於淮水

白沙山

縣東八十里山多白沙因名又化明山在縣東六十里志云隋改招義縣曰化明以此山

名也

淮河

在縣城北有浮橋跨其上東北流入五河縣界

離不克乃自邵陽洲引還餘兵未濟齊人據渚邀斷津路魏將奚康生擊破渚中兵揚播結陣於南岸與齊兵力戰僅而得濟唐咸通十年徐州賊龐助遣其黨據濠州淮南帥馬舉進討塹其三面而圍之城北面臨淮賊猶得與徐州通勦因遣兵屯北津與城中相應舉遣將渡淮擊敗之平其寨五代周顯德三年周主自壽州循淮而東至濠州四年周主攻濠州唐人屯戰船數百於城北植巨木於淮水以限周兵周主攻之拔其木焚其柵尋拔州城是也

濠水 在縣東自鳳陽縣流入境至城東新河口注於濠亦謂之濠口宋人修城記濠之為城長淮引桐栢之源橫其北石梁會衆水之流環其西是也通釋濠州舊有東西二城濠水介其中

邵陽洲

縣東北十八里淮水中蕭齊建武二年魏

夾築二城齊將裴叔業攻拔之梁天監三年魏將

元澄攻鍾離張惠紹將兵五千詣鍾離澄遣別將

劉思祖等邀之戰於邵陽大敗梁兵五年魏元英

復攻鍾離曹景宗赴救遠詔頻邵陽洲兩岸為橋樹

引還鍾離北阻淮水魏人於邵陽洲別將楊大眼

柵數百步跨淮通道英據南岸攻城別將楊大眼

據北岸立城以通糧運徐州刺史昌義之固守鍾

離不下豫州刺史韋叡自合肥馳救與景宗進頓

邵陽洲敵於景宗營前二十里夜掘長塹樹鹿角

截洲為城去魏城百餘步比曉而營立又豫裝高

艦與魏橋等為火攻之計會淮水暴漲叡與諸將

分道進攻鬪艦競發魏洲上軍盡殪敢死之士拔

柵斬橋風怒火烈水又漂疾倏忽之間橋柵俱盡

魏軍大潰洲北又有趙草城時曹景宗以牧人過

淮南北伐芻藁者輒為魏將楊大眼所畧乃於夫

城南數里築壘成使別將趙草守之有抄掠者

皆為草所殺自後始得縱芻牧因以

讀史方輿卷二十一江南三 七 攷文閣

乘龍洲

縣東北四十里淮水申流五代周顯德四年

十八里周有灘唐人柵於其上據水自固謂周兵必

不能涉周王自攻之命別將康保裔帥甲士數百

乘橐駝涉水趙匡胤帥騎兵繼之遂拔之志云時

周兵夜持炬乘橐駝渡淮濠兵驚以爲鬼乘龍也

洲因以名○道人洲志云在邵陽洲東梁天監五

年魏元英圍鍾離詔曹景宗馳救先頓道人洲矣

衆軍俱進旣而景宗違詔而前據

邵陽洲尾值暴風雨還守道人洲

千人塘

在縣南唐志鍾離南有故

紅心橋

在縣南六十里至定遠縣之池河驛曰紅心驛

懷遠縣

府西北七十里南至定遠縣百八十里南至壽州

阿向二縣及九江郡當塗縣地五代周置鎮淮軍宋

廢寶祐二年置懷遠軍元改軍爲縣以荆山縣省入

縣有故城今廢

編戶四十一里

荆山城

在縣治北三里亦謂之舊城北魏所置城也

鎮荆

山因築城置戍於此普通五年北齊州刺史

趙景

悅圍魏荆山拔之魏將元琛赴救復荆山戍

既而

荆山來降尋沒於東魏高齊因置荆山郡治

於此

隋初郡廢唐爲鍾離縣地五代周顯德四年

圍唐

壽州大破其援軍於紫金山餘衆東走周軍

夾岸

追之周主自趙步循北岸馳至荆山洪距趙

步二

百餘里夜宿鎮淮軍因城之蓋是時置軍築

城也

是年唐將郭延謂將水軍斷渦口浮梁又襲

賊武

寧節度使武行德於定遠周主因自石梁至

鎮淮

軍遂濟淮攻濠州宋初軍廢寶祐五年賈似

道奏

以渦口上環荆山下連淮岸險要可據遂置

荆山

縣改軍名懷遠以縣屬焉元改軍爲縣以荆

山縣

省入紫金山

趙步

俱見壽州界

當塗

城在縣東七里塗山北麓下古塗山氏國漢爲

漢仍

爲當塗縣屬九江郡武帝封魏不害爲侯邑後

攻當

塗不克縣尋廢晉初復置屬淮南郡沈約曰

馬

三國時江淮為戰爭之地淮南虛無民戶晉平吳
民各還本故復立也其後中原喪亂北寇南侵淮
南民多南渡成帝時淮南益多故民渡江者轉多
乃於江南立淮南郡及當塗諸縣而淮南之當塗
遂廢安帝時立馬頭郡及僞置諸縣於其地宋齊
荆山郡隋開皇初郡廢改縣曰塗
山屬濠州唐武德四年并入鍾離
馬頭郡城在縣西南二十里下臨淮河舊志云在縣
新城下有新城淮河渡沈約曰馬頭郡晉安帝立
因山形如馬頭而名領虞縣等縣屬南豫州虞縣
亦僞置縣也宋元嘉二十七年魏人分道南寇遣
將長孫真趨馬頭拓跋英趣鍾離既而拓跋仁逼
壽陽馬頭鍾離悉被焚掠齊建元二年魏拓跋琛
攻拔馬頭戍殺太守劉從梁天監五年魏將元英
等復取梁城遂北至馬頭城攻拔之尋復人於梁
梁末魏復取之陳大建五年伐齊沈善慶克馬頭
城是也南齊志以虞縣屬鍾離郡而馬頭郡治已
吾縣又以已吾屬浦郡而馬頭郡治蕪縣蓋皆後